

北洋官報

目錄

宮門抄
 上諭
 交旨
 奏議
 禮部奏覆朝賀行禮章程摺
 直督奏甄別知縣
 片
 鄂督陳奏陸軍特別小學畢業請獎摺
 又奏發
 通統捐各卡片
 公體
 運司稟一件
 井陘縣稟一件
 諭事會申一件
 文告
 四則
 電報
 三則
 新聞
 十一則
 彙編
 山東禁煙禁種章程
 鄂省禁煙公所發照章程
 戊申官報目錄
 附錄
 山東 孔廟第二圖

本 日 增 刊 戊 申 官 報 目 錄 一 頁

宮門抄

二月十八日 農工商部 郵傳部 正藍旗值日 延康續假十五日 增崇假滿請 安 召見軍機

慶王等沈家本農工商部各遞封奏一件 郵傳部遞封奏四件

上諭

二月十八日內閣奉
 上諭那桐現在穿孝外務部會辦大臣著世續署理欽此
 上諭趙啟霖著以道員用署理四川提學使欽此
 上諭四川按察使著江毓昌補授欽此
 上諭福建興泉永道員缺著郭道直補授欽此
 上諭安徽皖南鎮總兵員缺著王文煥補授欽此
 上諭甘肅河州鎮總兵員缺著何宗蓮補授欽此

交旨

二月十八日軍機大臣欽奉

諭旨外務部會同修訂法律大臣奏擬訂國籍條例繕單呈覽一摺著憲政編查館迅速覈議具奏單併發欽此

諭旨沈家本奏法律學堂收支款目開單奏銷一摺著照所請該部知道單併發欽此

諭旨郵傳部奏核銷贖電收支款目開單呈覽一摺著度支部知道單併發欽此

諭旨郵傳部奏彙陳光緒三十二年九月起至三十四年年終鐵路收撥借用各款開單呈覽一摺著度支部知道單併發欽此

諭旨郵傳部奏報銷光緒三十三年至三十四年鐵路辦工經費收支款目開單呈覽一摺又奏報銷三十四年分收支經費數目開單呈覽一摺又片奏各路盈虧大概情形列表呈覽均著度支部知道單表併發欽此

諭旨農工商部奏請將該部款項送交度支部庫收存一摺著依議欽此

禮部會奏議覆御史俾壽奏請嚴定 朝賀行禮章程摺

奏議錄要

奏為請 旨事光緒三十四年十二月初七日軍機大臣欽奉 諭旨御史俾壽奏嗣後遇有祭祀及朝賀大典擬請嚴訂陪祀及行禮各章程一摺著該衙門議奏欽此欽遵鈔出到部禮部查乾隆五十四年奉 上諭

向來遇陞殿行禮都察院堂官俱在殿上西邊站立而丹墀前分上中下三段共設糾儀御史六員不足周覽管攝今思丹墀上不過王公數人大學士都察院堂官耳目較近儘敷糾察儀文自能整肅而丹墀下行禮人員較為衆多自非御史六人所能稽察周到嗣後著於都察院堂官內輪往二人在頭層品級山兩旁站立督率再於

前著在品級山兩旁向上按班分立屆時留心稽察如行禮人員有越班不齊者既可隨時指示而於錯誤不違者亦無難指名糾劾更足以昭體制而肅朝儀著為令欽此又例開監禮滿洲御史二員立於西檐第三柱東面北上

滿洲御史四員禮部滿洲司官二員立於丹墀上近南都察院堂官二員立於頭層品級山兩旁滿洲科道漢科道

共三十六員立於品級山每品正從東西俱向上按班分立禮部滿洲司官漢司官共四員立於丹墀之南太和

門東西階下兩旁儀仗內品級山之末東西僉立又滿洲御史漢御史共四員禮部滿洲司官漢司官共四員侍衛

四員分立於昭德門階下之左 貞度門階下之右東西向朝班各官有越次私語或互相背坐及先自起散無

故踰越 御道者即指與侍衛立拿指名題叅又領侍衛內大臣處咨准大朝常朝如有越班行走者應由在品級

山押班科道指交兩處階下御史司官侍衛等暫時看守聽都察院堂官自行叅辦又恭遇 皇上升殿各衙門

豫造官員名冊送禮部及都察院稽察至期禮部及都察院各委官於左右掖門外收職名有無故不到及不親遞

職名者會疏題叅惟侍班前引監禮及有執事各官例應先入者毋庸投遞職名又恭遇 皇上升殿王以下公

職名者會疏題叅惟侍班前引監禮及有執事各官例應先入者毋庸投遞職名又恭遇 皇上升殿王以下公

職名者會疏題叅惟侍班前引監禮及有執事各官例應先入者毋庸投遞職名又恭遇 皇上升殿王以下公

職名者會疏題叅惟侍班前引監禮及有執事各官例應先入者毋庸投遞職名又恭遇 皇上升殿王以下公

以上止用護衛內一人携坐褥內監均毋庸隨從值班護軍統領嚴行稽察違者奏參各等語除該御史原奏內稱每遇 壇 廟祭祀執事各官既不免擁擠喧嘩而陪祀人員到班行禮者亦復爲數寥寥一節已由禮

部於議覆御史江春霖等摺內另行會議具奏外至原奏內稱遇 朝賀時各部院官員在品級山前行禮者亦

皆不按品級班次任意擁擠甚且以六七八品人員混行列入一二品班次內行禮並時有閒散人等擅行混入擁

擠一節查 朝賀典禮定例綦嚴彈壓糾劾本有專責日久玩生誠恐不免擬自此次申令後行禮各員皆須各

按班次倘仍有擁擠越次及閒散人等擅行混入者卽由押班科道及值班護軍統領照例辦理又原奏內稱向例

都察院及吏部禮部均有接收職名之責乃近來吏禮二部接收職名等員率皆委之皂役而呈遞職名各官亦皆

不由本員自行呈遞以致遞職名之事率皆視爲具文一節查凡遇 朝賀大典向均派員接收職名擬請嗣後

由各該衙門照例先將行禮人員銜名造冊分送禮部及都察院屆期親身呈遞職名並嚴飭派出之員親自接收

按冊查覈如有無故不到及不親遞職名者卽照例會同都察院奏參又原奏內稱應由禮部先行派遣妥員按照

品級班次分別帶領魚貫而入按班行禮仍由都察院遣派御史認真監查倘有擁擠擾亂等項情事一經查出卽

應將禮部帶班人員一併查參一節查禮部序班官職掌僅止序其班聯倘有擁擠擾亂等事自應仍由押班科道

遵照乾隆五十四年 諭旨認真辦理所有臣等遵議緣由是否有當伏候 命下遵奉施行再此摺係禮

部主稿會同吏部都察院具奏合併聲明爲此謹 奏請 旨宣統元年二月十五日奉 旨依議欽此

直隸總督楊奏知縣到省期滿甄別片

再定例道府以至未入流勞績保舉候補班人員無論何項出身何項勞績均應扣足一年期滿甄別又新章內載甄別年限應自各該員奉差之日起扣足供差一年確實試驗方准出考於差委事實冊送部開具等第奏明留省補用各等語茲查有候補知縣孫敬先李學富等二員均到省一年期滿例應甄別由藩學臬三司詳請核辦前來臣查孫敬先於光緒三十二年六月初三日到省該員未到省以前已委充河間府籌款局並糧餉局差遣復委辦平鄉縣官運事宜兼充西河緝私差遣委員到省後仍充平鄉縣官運原差該員奉差在先到省在後應自光緒三十二年六月初三日到省之日起扣至三十三年六月初三日供差一年期滿應卽甄別該員年力強裕辦事可靠

堪列優等又查李學富由縣丞保歸知縣於光緒三十二年九月十四日到省旋即委署藩司恒裕庫大使收放銀錢稽查款目責成較重任事年餘毫無貽誤迨代理玉田縣篆務亦屬措置裕如應以署事比照差使核扣日期該員自三十二年十一月十三日到庫大使署任之日起扣至三十三年十一月十三日一年期滿應即甄別該員穩練樸實明白安詳堪列優等均應留省補用除將該員等履歷並事實清冊分咨吏部憲政編查館外理合附片具陳伏乞 聖鑒謹 奏宣統元年二月十一日奉 硃批該衙門知道欽此

湖廣總督陳夔龍奏湖北陸軍特別小學堂將屆畢業擬援例請獎摺

奏為湖北陸軍特別小學堂將屆畢業擬援例請獎謹陳明辦理情形恭摺仰祈 聖鑒事竊升任湖廣總督臣

張之洞於光緒三十一年迭准部咨催辦陸軍小學堂因創以少費練多兵之法挑選鄂軍兵士之品行端正文理清通者入學於光緒三十二年正月十八日遵照部限開辦第一班學兵五百名並附設測繪學兵六十名三十三年七月張之洞復將練兵艱難力求節省儲備變通辦法情形專摺具奏在案嗣經添招二班學生六百名及測繪五十名軍醫一百二十名經理六十名分別教授訓練三十四年四月臣到任後准陸軍部咨以前督臣所定辦法體大思精深為佩服惟中學定章專收小學畢業生如湖北省兼送學兵將來與他省學生未免歧異宜將湖北前議辦法作為陸軍特別小學堂並按照部章另設陸軍小學堂以期兩利俱存得人益廣等因臣當將該堂改為陸軍特別小學並另設陸軍小學堂一所亦經 奏咨在案查陸軍特別小學經升任督臣張之洞苦心創造為精研武學之基即為成就將材之藪其科學程度雖曰小學然較之陸軍速成學堂則已有過之無不及謹將速成學堂與特別學堂兩相比較詳晰陳之一曰學術查該堂學術兩科凡二十四門一修身二品行三國文四英德日文五歷史六地理七算學八代數九平面幾何十平三角十一格致十二圖畫十三訓誡十四操練十五兵學十六軍制十七戰術十八築城十九地形二十測繪二十一兵器二十二衛生二十三體操二十四擊刺而速成學堂軍事專科統計十五門普通科統計十四門類皆該堂所有至洋文一科則為速成學堂所無此學術兩科比較之情形也二曰經費速成學堂豫定額數為一千一百四十名每年額支經費二十八萬八千八百六十餘兩活支在外該堂現在學生除中下等一律淘汰外實有學生一千零數十名每年額支活支統共十二萬三千九百餘兩以此兩相

比較則速成學堂每年需二百六十兩該堂則每年祇一百零三兩此經費比較之情形也三曰成績速成學堂成績與該堂尙未較未敢辨其優劣然洋文一門已爲速成所無該堂學生洋文成績屢經面試其能登壇以外國語言演說者實有四分之三其據書筆譯人人優爲之此成績比較之情形也四曰課程速成學堂一律住堂而專科不過一年半畢業普通科不過二年半畢業該堂學兵惟班長數十名住堂其餘一律住在原營每日晨集晚歸風雨無間而年限則除暑假年假秋操假扣足三年每年以四十星期計算統共三年一百二十星期方能畢業此課程勞逸苦樂比較之情形也綜此四端當局創始之難概可想見伏查陸軍部奏定各學堂畢業考試出身授官章程秩序詳盡惟並無特別小學獎勵專條至現設之陸軍速成學堂畢業授官則按照歷屆奏案辦理查陸軍速成學堂學生已由部派員考試分別 奏請授官鄂省特別小學同爲作人選將造就人才之舉且該堂成績具在非可嚮壁虛造如較陸軍速成學堂獎勵階級稍加優異揆之 朝廷整軍經武之宏謨陸軍部提倡軍人之至意似尙均無不合自應援照速成學堂考試畢業之例預行 奏明以便畢業之時照章考試分別給獎以固軍心而張軍學將來羣情鼓舞人才衆多腹心干城端繫乎此合無仰懇 天恩俯准敕部立案以便遵照辦理出自 鴻慈再該堂畢業年限較長畢業之後在事人員自應併照速成學堂辦法擇尤請獎合併聲明除咨陸軍部外謹恭摺具陳伏乞

皇上聖鑒訓示謹 奏宣統元年二月十二日奉

硃批准其擇尤請獎該部知道欽此

又奏統捐各卡酌量變通並核定歲額片

再湖北釐金一項向爲歲入大宗光緒三十一年間升任督臣張之洞以從前局卡繁密弊竇易滋特將百貨釐金改爲統捐裁撤局所二十九處當經專案具 奏並聲明嗣後如有斟酌損益之處隨時奏明辦理等因在案臣到鄂後考查釐局收數較之未改革之前頗有加增上年秋冬之交復遴派廉幹委員分途周歷詳加訪查商民樂其便利亦皆踴躍信從足徵辦理得宜成效昭著一切章程應即循照辦理毋庸更張惟當日酌留各卡其中駐紮地方間有因時事變遷今昔異宜之處現經督飭司局酌量變通將漢陽縣治之蔡甸一局移設荆門州之沙洋其沌口一局移設本邑之黃陵磯並將蔡甸地方劃歸漢口專局管轄由該局裁撤皇經堂分卡改設蔡甸似此一轉移

間並不添增局所而布置較爲扼要於稽徵頗有裨益又改辦統捐之始因事同草創未能議及定額現已試辦三年自應查照從前抽釐辦法核定比較業經督飭司局考究近年各局收數之旺淡及現在商情之盛衰酌擬數目定爲歲收之率由該司局認真考核贏者優獎絀者嚴懲所有功過賞罰均按照舊章秉公辦理庶各員知所勸懲爭自奮勉仍由臣督飭慎選賢能量材委用務期得人而理以仰副 朝廷裕課恤商之至意所有湖北統捐辦有成效現經量移分卡並核定歲額各緣由理合附片具陳伏乞 聖鑒謹 奏宣統元年二月十二日奉 硃批該部知道欽此

公牘錄要

運司張稟請停支薪銀卽以此項銀兩讓歸熙道作爲公費文並批

敬稟者竊本司於宣統元年二月初七日奉 憲台札開照得該司兼管永平七屬官運鹽務辦理認真著有成效現在該司以綜理通綱課運政務殷繁勢難兼顧一再稟懇遴派妥員前往該局接辦等情查永屬鹽務課款攸關該司既難兼管自應添派坐辦俾資治理查有候補道熙道臣堪以派委會辦永屬鹽務總局並責成駐局坐辦月給薪水銀三百兩由該局支給以資辦公除分行外札司查照轉行各分局遵照等因奉此遵卽轉行各分局遵照在案伏查本司辦理永屬鹽務係月支薪水銀一百兩公費銀一百兩共二百兩自投今職卽擬將前項銀兩稟請停支以彼時未蒙另行派員駐局經理因仍照案按月支領茲奉前因本司既任實缺自應請將鹽局薪水公費銀兩停支並擬請卽以此項銀兩讓歸熙道作爲加添公費本司非敢矯廉市惠實爲有裨辦公起見是否有當理合稟請 鑒核批示祇遵肅恭恭叩 鈞安

督憲楊 批如稟辦理仰移熙道知照此繳

井陘縣涂令福田稟遵章會議警務暨送議案清摺文並批

敬稟者竊查前蒙警務處頒發巡警會議章程卽遵照辦理具報等因遵查卑縣城鄉巡警創設已及三載規模略具缺點實多前經切實調查殊無成績可言且經費困難機關阻滯在在均須整頓亟宜招集警務員董遵章會議以收集思廣益之效當將奉發章程牌示總局知照一面酌擬細則分諭城鄉局區員董一體遵照於光緒三十

四年十月二十一二等日齊集巡警總局開常時議會提議事件彼此討論各抒所知必官紳意見共同一致方為決定當場草記議案分發總局及各局所依次施行並隨時實驗有無窒礙以為下次會議改良之預備除再接續集議並將改良警務詳細理由暨增損收支辦法另行列表稟報外理合開摺稟呈 查核批示立案肅稟恭請 勅安

今將卑縣光緒三十四年十月二十一二等日招集警務員董二十一名開會集議公決議案開摺呈送 憲鑒

一 提議縣屬巡警機關不完城內一局四鄉十四區各轄地十餘里至數十里不等已苦鞭長莫及且區各獨立不相聯屬未免彼此隔越應仿天津辦法總局於附郭添設巡所一二處四鄉就衝要之地各設分局視轄村多寡附設一所至二三所現有之區或留或改務取控制便利支配停勻 一 決議查天津巡警區域表局之下有區區之下有所一氣聯貫機關敏活自應仿照增改城內總局在南關外添設巡所一處四鄉東南西南各設一分局北鄉較闊設兩分局舊有之區改局改所更添障城金柱南北陘辛莊四處巡所分隸於各分局之下庶免轄地太遠呼應不靈之弊 一 提議巡警各捐實在可恃者僅糧捐之一千五百串商捐之二千串其他捐項約可收入千串以現在開支計算每年已不足數百串不先事綢繆涸將立至惟井民生計一奪於鐵路再奪於煤礦膏血已盡羅掘俱窮聞許前任有援照臨城成案酌抽礦務局捐款之議似可實行稟辦 一 決議井民經各項警捐財力已竭無可再籌自係實情煤為井邑產品礦務局在井邑地面營業有擔任行政經費之義務地方稅為東西各國所同且有臨城礦局成案應即具稟 上憲請示祇遵 一 提議巡警傳習所為許前任所設並未另籌的款現屆第一次畢業如唐續開辦殊無可恃之款足資挹注似應量為變通以免顧此失彼之弊 一 決議各局所未經傳習之巡警暫由該管巡官區長兼充教員輪流調局講授警章警報暨應用法律每日由巡長教操二小時星期日至局會操一次以資比較庶於勤務傳習兩不相妨仍俟籌有的款即將傳習所永遠設立以符定章 一 提議總局局費與各分局一律未免漫無軒輊巡官薪俸查前奉 憲札本有視地面情形酌量增減等語先只巡官一人月給稍豐現議各分局添設官長斷難一概從優又巡警月薪太薄難資養贍似應分別增減以期均平而能持久 一 決議總局事情較繁每月局費加為四千正巡官月薪減為十金副巡官八金區長五金巡警餉薪勿庸議加應分為上

中下三級以現在警薪爲下級巡警之俸留上中兩級爲拔升之階庶於鼓勵人材撙節經費之道兩得之焉 以上公決事件均係當場筆記草立議案理合登明

督憲楊 批稟摺均悉仰警務處核飭遵照此繳

天津縣議事會申津海關道文

爲申請事案據南門外居民五品頂戴馬慶春等呈遞說帖內開自庚子兵燹之後津郡東南隅爲日本代理於是年十月間經日本由南門外三官廟拆修馬路直抵海光寺爲南門內外之通衢並限三日內拆齊據云自拆之後所有該房主按照房間給價或抵償他地等語職等遵照辦理隨經日本公署傳令各戶各帶契紙交呈爲給價之憑證延至天津交還之時經日本公署將各地戶傳齊面諭該馬路係本署開修自應估價照給以符定章惟現在合約成立已將該處馬路交還中國所有照章給價之處本公署備文照會應自向該管衙門領取等因職等隨將契據領回稟請關道憲暨工程局憲賞給地價候至數月之久均未蒙批迄今毫無消息查圍城浮房因馬路被拆者均已賞還地數自行起蓋房間職等均有紅契亦係因馬路被拆事同一轍而辦法兩歧爲此叩懇代陳不勝感激之至等情前來議員等查津地自收回以來所有路政仰賴列憲維持設局興修所有碍路拆去各房亦皆量予給價卽各國租界內因修路拆去房間者亦皆蒙憲台主持從優給價今查馬慶春等所陳事同一律而辦法兩歧各節實屬困苦向隅惟此案未知日本領事究竟已否照會憲案擬請憲台飭承調查酌核給價實出自逾格鴻施議員等亦當同深感激所有代陳馬慶春等請查案發價各緣由理合備文申請憲台查核施行須至申者

文告錄要

督憲批示錄要○礦政調查局詳直境礦產應完井稅年租已分飭查催請咨部由 批據詳已悉候咨 農工商部查照繳○北洋醫學堂屈道永秋稟法使照送寶星執照華文誤譯關道景賢請咨部更正由 批據稟已悉候咨 外務部查照更正可也繳○職商陳錫周等稟懇恩催飭清釐礦界給照開辦由 批查此案前據井陘縣來詳飭據礦政調查局會縣勘覆以該商請辦西西南村南嶺溝煤礦與井陘礦局礦界毘連自難照准等情在案井陘礦局係在此次新章未定之前議定由官收回合辦一切均參照臨城辦理與定章以後請辦之礦不同

據稟前情究竟有無窒碍仰礦政局查明核覆此批稟抄發

學台批示○直隸師範畢業生侯玉田稟請賞派差使以盡義務由 批現無相當學堂可派該生仰仍回籍靜候抑或自行另圖可也

直隸全省警務處批示○成安縣高等警務畢業生閻致中懇請入研究所一案 批稟悉該生懇請入研究所一節業經本處登册存記俟有缺出再行傳補此批○廣平縣高等警務畢業生韓守謙懇請入研究所一案 批稟悉查研究所學員業經滿額應由本處存記俟有缺出再行調補此批○成安縣普通警務畢業生劉鳳儀懇請更正文憑一案 批稟悉查該生畢業文憑并未繳回碍難另行發給仰該生速將文憑呈送本處以憑更正此批

天津工程總局批示○榮業公司梁鳳鳴稟 批稟悉該公司擬在南門外葫蘆罐地方建立街坊木牌一座查明無碍路政且壯觀瞻應即照准此批○銘益堂劉銘甫稟 批據稟修理房山查勘無碍路政應即准行無庸發給執照此批

電報錄要

路透電○英皇現由巴黎啓程赴比爾德斯地方各街市人民均極歡迎

又電○俄京電云俄政府擬於西三月十四號將封閉黑龍江與特爾巴克利亞兩處之律實行

柏林電○塞非亞國現與俄國定約并將要素之條提出以便抗拒奧國并擬由俄國相助開列強會議現在奧國不允開列強會議擬與塞國直接開議土耳其國亦不允塞非亞與曼德尼葛魯得獲利益奧國駐塞公使聲稱奧國不能再與塞國訂立新商約因前定之約於西四月一號滿限又云如塞國以和平書遞於奧國奧國即與直接開議現在塞國宗旨尚未決定土政府已諭令禁止由塞國經過運送軍備

新政紀聞

政治

擬定驗放人員日期○軍機處現在議定各部院驗放日期擬每月按照初五初十十五二十二十五三十等日准

其請

旨驗放倘屆期並無驗放人員亦由內閣奏明辦理以示鄭重而免歧異

江督禁煙之嚴厲○江督端午帥去歲曾將部頒禁煙章程就所屬情形變通訂定通札各屬照章辦理後迄今逾限已久凡章程所載土市公行會否設立土膏各店營業執照吸煙人牌照會否造冊該管地方向有戒煙會幾所如何提倡如何推廣土膏各店照費營業稅會否查明資本稟報辦理情形者殊屬寥寥惟以上諸事皆禁煙緊要關鍵若不從速辦理何以有禁絕之一日因即通飭所屬限一月內將辦理各情形稟覆若再違延定行從重參處不貸云

詳請舉人出身佐貳變通委缺○湘省藩學臬三司詳請督撫兩院擬將由舉人截取揀選分發之直隸州州同布庫大使散州州判府經歷縣丞五項與州縣一體委赴司府衙門審案及充各署局文案收支差使暨省外各專局總辦俟年滿考驗甄別後遇有本班酌補酌署缺出開列在前其尤爲出色歷試有效之員遇有州縣缺出亦准酌量委令代理果能克勤厥職著有政績再由本司等會詳呈請奏保又截取揀選遵照新章指發本省之府經歷縣丞兩項同係舉人出身者未便因其在籍服官稍涉歧視擬一律優予差委並擇尤呈請奏保藉昭平允惟不得委代州縣以符部章云

外 交

札飭保護遊歷外人○督憲准外務部咨美國人郝德赴直隸山東河南奉天四省游歷又准山東撫台咨德國商人寶爾夫由青島赴山東直隸河南等省游歷各等因又據津海關道呈英國女教師麥銀界郎德莫崇信均由津赴直隸山東河南山西陝西湖北游歷又日商前田喜藏由津赴直隸河南山東山西陝西湖南湖北四川雲南江西安徽滿州外蒙古等省游歷又日商新開甚吉赴直隸盛京一帶地方游歷各等情已分札所屬照約保護矣

上海萬國禁煙會公決條款○一中國政府以禁除全國鴉片煙出產行銷之事視爲重大實力施行且與情協助得以日見進步故本會會員承認中國之堅誠雖各處成效不一然已獲益不淺矣 二因思中國政府實行禁阻吸煙之例他國亦同有此舉動故本會敦請各代表陳請各該政府於其本境或屬地內體察各國情形逐漸

推行吸煙之禁令 三本會查得鴉片煙之用除作醫藥外在會各國均視爲禁物而頒行嚴密條例使之逐漸消滅因此本會承認各國情形雖有不同惟應敦促各國政府借鑒別國辦理之經驗者訂其取締規則 四查各國政府均有嚴厲法律其宗旨或直接或間接以禁止鴉片煙暨鴉片質提製之品私運入國因此本會會員聲明凡與會各國均有責任訂立相當之規例以禁止鴉片煙暨鴉片質提製之品運往已頒行上開禁例之他國 五查嗎啡之製售流布漫無限制早釀成巨患嗎啡痼疾已露蔓延之象因此本會甚願力請各政府制定嚴厲規則於其本境或屬地內以取締此項藥物之製售流布及由鴉片中提製雜和之品研究其質倘若妄用則與嗎啡毒害相同者一律限禁 六本會會員於組織上礙難按科學之理研究鴉片煙及戒煙藥品之性質功用然深悉此項研究極爲重要故本會甚望各代表將此項問題陳諸各該政府酌定辦法 七本會極力敦促凡在中國有居留地及租界之各國政府倘於各該居留地及租界之內尙未實行關閉鴉片煙館者須仿照他國政府已經施行之禁令參酌情形迅速舉辦 八本會會員敦促凡在中國有居留地或租界之國各代表須陳請各該國政府與中國議定條例禁止製造販賣內含鴉片煙質或鴉片提製品之戒煙丸 九本會會員勸勉各國代表陳請各該國政府凡在中國有居留地或租界者施行藥商專律於領事裁判權限之內俾該國之民有所遵守

學 務

女學藝科傳習所開辦○江甯天足會藝科畢業生趙女士惠慈特於戶部街本寓設一女學藝科傳習所專授造花編物製果三項其學額暫定四十名畢業分爲二級六個月二十種爲修業十二個月四十種爲卒業其入學資格以家世清白爲合格學費每月四元

創設假期學術研究會○安徽廬州學務近頗發達近有創設假期學術研究所之議經盛君太完李君純安陳君新之許君卓雲朱君不刊等發起組織復經學董吳陽初殷養橋二君竭力贊成遂於上月十四日集議十七日開會是日到會者共三百餘人議定暫借勸學所左邊第一路正屋爲會所本郡紳學兩界並耆儒宿彥均到會頗極一時之盛云

籌設女子速成師範學堂○鄂督陳筱帥前以遵照部章將飭提學司籌設女子師範學堂一節茲經代理學篆黃伯雨太守以此項學堂之設固不容緩而現在鄂省財政困難已極若另招新生必有經費支絀爲難情事查省垣啓秀女學堂開辦最早其一切章程科目均臻完善而學生程度頗高擬就該堂甲班學生改辦女子速成師範學堂刻已繕呈陳筱帥查核示遵矣

路·礦

宣·屯·鐵·路·協·會·成·立○安徽旅居江西九江之宣屯鐵路協會已於日前成立茲將開會情形錄下 一胡蘊山君

報告開會宗旨並歡祝協會成立 二胡憬匡君宣佈同鄉京官公函並代表許玉田君擔任路事一切 三會員吳伯寅君演說宣屯路綫達到何處則皖南人之權力達到何處萬不可相顧懷疑使外人乘虛而入投資來辦查冠英君演說鐵路與國際商業有密切關係 四來賓林子超君演說鐵路種種利弊包括無遺迨說到本省鐵路主人翁斷不能不出錢認股出力招股反是則主人奴隸後悔無及(一時拍掌之聲不絕於耳) 五公舉許玉田君爲正會長舒先庚君爲副會長金景輝君爲會計員黃少白君胡蘊山君胡憬匡君吳伯寅君爲書記員查冠英葉友松二君爲庶務員 六趙玉如江輝五程燮坤胡寶書查選庭胡聚泉汪舜甫范讒如諸君均慷慨鼓舞自任招股(未到會者不及詳列) 七胡憬匡君代表全體答謝來賓並崇拜招股員爭先自任 八搖鈴散會聞到會共三百數十人徽人佔十之八九可見徽人對於本省路事之熱心矣

詣勸武岳路綫起點○湖北武岳路綫以青山之上紅關下其地名兩望者爲起點其武昌戊己二棧已於舊歲就地填平定期今春興修故陳筱帥於上月十七日午刻乘坐馬車詣該處履勘地勢其路綫起點是否與地勢相合復便道至青山之下白濟隄工審視一周傍晚回轅

稟請開採欽州金礦○粵省欽州屬有土名雷公露幾白栢槐等處山嶺叢疊中多金礦現有該處商人馮持平集股創設興益公司具稟勸業道請承採該州金礦以關利源陳觀察望曾據呈已札欽州鄭牧督同該商等勸明該礦地址繪具圖說詳候核辦

津禁煙局行旅小票辦法以防流弊所有省外吸戶各牌照應由道刊發各州縣令吸戶限期請領一面由各州縣將吸戶花名造具清冊呈報

一吸煙者每換牌照一次即須將吸數減少如每日吸煙一錢者下次換照即應減爲八分祇准多減不准少減不減者查出重究

一吸戶祇准在官土店買煙不准在種煙地方及外省購買煙土自行熬膏如有私自買土熬膏者一經查出即將貨變價五成充公五成充賞再將吸戶嚴行責懲如種戶吸煙亦須領牌照至官土店購土不得自種自吸其所種之煙應照完土稅賣於官土店違者一經查出亦應重懲

一吸戶均須詳細調查將姓名年歲籍貫造具一冊以備存查其年逾六十者應另立一簿不在應查應禁之列

一吸戶每日購煙由官土店截記數目一日之內如在甲店已買即不准再至乙店買煙違者一經查出賣者與買者一併重懲

一吸戶自清查後祇准減少不准加多逐年比較總使依限戒盡屆時不能盡絕應予地方官以辦理不力之咎

第四條查禁私吸

一城鄉內外大小煙館前已一律令其歇業切責地方官及警局員弁隨時稽查如有私行開燈招集吸食者即行拿辦

一領牌官土店亦不得私行開燈違者即將店主責懲

一凡娼寮戲院茶肆酒館以及一切游戲場所不准開燈如有客人携帶煙膏到該處所擅行開燈者該地主即婉言勸止勸止不從即報知該地方官或警局將該開燈之人懲辦即領有牌照亦不得假有牌照名目隨處開燈違者懲辦

第五條禁賣煙具

一售賣煙具各店照章早經限滿不准售賣如有境內製造或販賣煙具各店現均飭令一律停止

一各行商店如有私販煙具零賣暗賣者一經查出即令歇業

第六條製配方藥

一戒煙善會戒煙公局製配戒煙藥品均應按照民政部頒發各方以及經驗良方製配藥內不得含有嗎啡等藥如有貧民請藥者概不准收費

一各處藥舖售賣戒煙藥品必須先將方藥呈送戒煙官局查驗不准私行配製違者一律查禁

第七條禁種鴉粟

一東省鴉粟原擬分年減種截至宣統二年方行禁絕嗣奉撫憲札飭以禁煙之令禁種爲先不絕其源終無實際應即從此概行禁種以絕根株而弭隱患通飭各州縣一律出示曉諭在案自應懷遵憲諭將從前種植鴉粟地畝盡行改種他項糧食如敢違禁私種准莊長地保指名控告查明將種煙之地盡行入官偷莊長地保得規包庇亦必從重科罰以示懲儆

第八條嚴緝私販

一現在煙禁森嚴土價昂貴商販偷漏走私民間私熬吸食必較從前益加隱密若不嚴加查緝仍於禁煙實際毫無把握除通飭各土卡加意查緝外並札飭各州縣巡警員弁及地方官隨時嚴密稽查如有販運囤積無稅私土及雖有印花而非官土店應販之人立即將人土一併拘獲有土藥局卡地處送局卡訊辦無局卡處所送該管州縣訊辦私土一半充公一半分賞緝獲之人以示鼓勵

鄂省禁煙公所發給憑照牌照章程

一由本公所印製膏土店營業憑照批貨憑照販運憑照吸戶購煙牌照行旅購煙牌照以及購煙憑單武漢三鎮由各警察司分別查明發給沙市宜昌武穴蔡甸新堤羊樓峒汀泗橋岳家口沙洋樊城老河口等處由本公所遴派委員會同地方官代發其餘各廳州縣概由地方官發給各照均分三聯一存發照之處備查一發領照之人一隨時繳本公所

一發給各項憑照牌照均應按章辦理凡呈領牌照之人須令其將應行填註照內各項名目詳細報明發訖後應分別編列清冊投本公所查核武漢各局按旬一報沙市等十一處按月一報其餘各廳州縣按兩月一報距省

督憲楊准外務部咨無約國人民游歷中國毋庸給予

護照札飭洋務總局查照文

天津道詳請獎給河工出力各員文

新樂縣稟派河兩岸官荒淤地設局招墾并請派員駐

辦文

隆平縣曹令蔭彤稟學台設立禁煙調驗處暨開辦戒

煙會日期文

川督趙札商務局查明商務繁盛地方酌設分會文

初十日

憲政編查館咨覆吉林法政學堂辦法文

督憲楊准陸軍部咨擬訂軍隊衛生要則應行增改請

令簽註送部札飭二四兩鎮遵照文

督憲楊准度支部咨飭令官商銀錢號將財產目錄出

入對照表按期呈部札飭藩司並天津銀號及商會

遵照文

礦政調查局詳開採煤柴小礦應如何變通辦理請咨

部示遵文

十一日

保定府王守守堃稟遵飭設立禁煙查驗分局呈送章

程清摺文

順德府重守煥詳調考中學堂新班學生文

定州陳牧燕昌稟設立戒煙總社呈送章程文
肅甯縣稟遵查吸煙各戶限期戒絕文

十二日

運司詳報籌解公債票銀兩文

開州朱牧佑保詳紳董稟已故孫總鎮善成功德戰績

請入祠文

鹽山縣學董楊炳文等稟學台請飭催該縣辦理捐款

以維學務文

十三日

藩司詳保定教養工藝局變通章程文

警務處詳擬州縣巡警傳習所規則並通飭各屬一律

遵辦文

武清縣詳請飭賑撫局覆勘堤工文

香港文報局梁令耀曾稟粵東災異匪黨情形文

霸州陳牧與尙詳學台教育會開會日期暨送章程文

十四日

農工商部咨 督憲職商開採完縣康各莊煤礦准予

展限文

督憲楊准陸軍部咨請設海圖局迅即詳細籌商擬定

章程及如何分認經費一併咨覆札飭司道遵照文

直隸礦政調查局詳請派員覆勘礦產文

順德府重守煥稟各縣應解郡城師範學費分別清欠

嚴定功過文

容城縣稟設收發文件處文

天津議事會移天津縣文

十五日

運司詳鹽商報効鉅款請整頓長蘆各項要需文

正定府劉守紹鄴詳直隸火車局查獲私販硝斤案違

飭提郡審辦文

高邑縣倪令鑑稟勸諭民間添掘井眼文

十六日

度支部咨 督憲長蘆歷年灶課是各徵完應請專咨

報部文

豐潤縣馬令爲瑗詳辦理留養貧賤男女善政情形文

高陽縣詳請飭約束局勇文

十七日

衡水縣王令光鸞會稟遵飭會同辦理衡水秦南田村

織工傳習所情形暨開所日期文

盧龍縣詳學台同鄉已故孝女陳萬氏請旌文

天津縣董事會移天津縣議覆移撥香資爲養贍費文

又申天津府同知請發冊表文

十八日

督憲楊准學部咨赴坎留學護照毋庸濫發札飭提學

司暨津海關道遵照文

天津道詳北運河搶險出力各員請獎文

順德府重守煥稟種桑經費支絀查照原案酌提邢台

縣皮毛捐款文

定州陳牧燕昌稟選定士紳講習辦理選舉事宜文

新河縣王令澍霖稟學台歸併模範小學俟升考有人

再行開設文

十九日

直隸礦政調查局詳派員查勘曲陽縣煤礦鐵路經過

唐縣地方路線情形文

灤水縣汪令嘉榘稟學台警學費竭蹶請抽糧捐補助

文

二十日

天津地方審判廳詳報匪犯聽糾私鑄假洋銅錢一案

訊供情形文

永定河道呂咨覆藩台考驗河工人員文

二十一日

天津道詳查明南北河淤塞及鐵帽橋設閘情形文

左道運機稟呈唐山火車驗疫章程文

高邑縣倪令鑑詳學台呈送教育分會章程文




圖 二 第 廟 孔 東 山

緬京醫院街末士各史之夫人付來一函云○自長男出世之後余即一病延纏蓋因分娩之時失於調攝故也每
 早起後即覺困憊不堪血不華色頭如刀刺週身疼痛夜不能睡神思彷彿惡夢頻仍偶一合目則從夢裡驚醒咳
 嗽不止時則痰中帶血咳時氣促上下氣幾不接續加以月信不調經來腹痛醫延和緩藥搜參著而毫不効靈似
 此一息奄奄雖生猶死不如無生矣幸遇姊妹某氏力勸我吞服韋廉士大醫生紅色補丸據云伊前患病獨得紅

產後失調



丸之力始克挽回等語余亦見其前時滿面病容今則康健過人是以立意一試其
 妙迺一服之後即覺大有起色胃口日增月信依期毫無辛苦頭背各痛而一概全止
 而肌膚日就豐滿矣家人親友均驚為見所未有計前後服丸不過三瓶而已全愈
 十分也且自愈後至今一連三載不特舊恙未有再發并覺康健如意食甘睡寧惡
 夢不侵余年雖四十有四而筋力遠勝常人歌舞場中興復不淺余自少時曾在仰
 光之刁花連女醫院練習侍病之舉已有年矣以余觀之則韋廉士大醫生之紅色
 補丸實婦科中之聖藥也
 此各士夫人之言也未士現當緬國鐵路公司之巡工司也可見丸不論老少男女
 均皆合用蓋具功力直達血份能生血又能清血屢試屢驗專治一切 肝經不和
 食積不化 血枯 頭痛 半身不遂 腳氣衝心 風濕骨痛 先天不足

後天失宜 筋衰氣弱 婦女經期各恙 諸般瘡疥 大凡發熱下痢感冒之後須調補者均宜 男子操勞過
 度 酒色傷身與夫感受 煙瘴者服之立見奇効 各處藥店均有發售或直向 韋廉士醫生總藥局採買亦可
 每罇價銀一元五角 每六罇價銀八大元 不論遠近一律不取郵費 上海二馬路B字第八號韋廉士醫
 生藥局啓

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股
 日起截至光緒三十四年底止應得正股紅股官利一律照付本埠以三月初一日為始外埠以三月十六日為始
 屆時請各股東携帶全張息單此係第一期取息萬勿掣裁至原交股處支取息銀或此埠股東願改赴彼埠取息
 者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息
 單即無憑付息特此奉聞

付利處

天津 三岔河口玉皇閣本公司總理處北馬路天津銀號
 北京 保定 上海 漢口 唐山 張家口天津分銀號

同啟

欲為諮議局議員者驗

總發行所 上海商務印書館分設
京師 天津 太原 成都 漢口 福州
奉天 濟南 開封 重慶 長沙 廣州

今年九月各省開辦諮議局 議員責任綦重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論七角 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典七角 法規大全解字四角

◎憲法書 政治學及比較憲法論二元 憲法研究書一元 憲政論四角 日本憲法義解三角 本預備立憲過去事實五分 立憲國民讀本三角 日本議會法規四角 議會政黨論五角 十六國議院典例五角 日本議員必攜八

◎地方自治書 自治論七角 歐洲大陸市政論四角 地方自治財政論三角 地方自治淺說三角 此外政法書 法律 有則日本法規大全 日本六法全書五角 比較國法學七角 國法學一元 行政法汎論一元 行政法各論六角 民法原論二元 日本政治學一元 那特經政治學四角 政治汎論二元 萬國國力比較二元 嚴復

◎社會通詮 嚴復羣學肆言一元 嚴復羣己權界論八角 財政 有則經濟通論七角 理財新義五分 英國度支考四角 國債論三角 計學教科書一元 理財學講義四角 計學淺訓五角 教育 有則日本明治學制沿革史五元 歐美教育實際二元 德國學校制度四角 警察 有則警察講義錄五元 雖卷帙較繁 議員苟有餘力而兼治之 則受益無窮矣 尚有諮議局章程箋釋 諮議局章程要義 諮議局調

查須知五分 議諮局選舉須知 一諮議局章程表解 尤人人所必讀 無待贅言也 (河北大胡同電話五百二十六號)

◎廣告館書印務商津天

◎廣告館書印務商津天

◎廣告館書印務商津天

◎廣告館書印務商津天

◎廣告館書印務商津天

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改名啓新洋灰有限公司稟奉北洋升督憲袁咨准農工商部註冊立案上年購到外洋最新式機器全副去臘業已開機所出之灰據西化學師疊次考驗拉力結力俱高出外洋之貨且機器加大出灰足數主顧購用尚有製造之紅磚花磚灰瓦水溝管矸子土等項無論躉零交易均可本公司總理處設在天津海大道英租界先農公司對面並於北京烟台上海漢口等埠均設分處銷藉廣招徠如蒙訂購交貨無不從速至價廉貨高久爲中外紳商所信用不待贅述所有本公司各種磚瓦等件尺可重量式樣及大概用法另刊華洋廣告光顧諸君請向本公司索閱價值一切亦可接洽也
得待風一千三百九號

啓新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成本行本共洋三十萬元仍以五十元爲一股先儘原股東附入是日在會股東已各認定股數頗夥踴躍如再有股東願入此股者請自二月十六日起兩個月內先將認定之股數函示註冊該股款於註冊後兩個月內全數交齊即以交款之日起息如欲詢詳細辦法請 惠臨天津海大道本公司面談可也此布

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑤藍 奇巧美術玩器 日用雜貨俱全 學界文房用品 旋行携帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啓

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙 中
 外官商照顧頗加獎
 譽茲為推廣招徠起
 見自本年起承印各
 項價目格外減讓以
 副 官商雅意如蒙
 賜顧請至本局賬
 房面議可也

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

京奉鐵路局廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽每人收車脚洋三元另印專票交由該站長公司售賣並飭不准額外需索惟此項買票搭車之人必須實係小工不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如查有冒混或半路輾轉售票情事輕則照章究罰重則送由地方官懲治其各凜遵特此廣告

急 開市到七年紀念少算八扣

竹材傢俱屏風
 花叢東洋花

天津日本租界旭街

澤洋行

告

自正月十九日至二月十八日間

電話三百五十號